



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

XXV. De praepositis & prouisoribus monasteriorum.

urn:nbn:de:hbz:466:1-15967

tempore
Caroli, cap.
12. Senten-
tialiter.
Cabilonen-
se Conci-
lium tem-
pore Caro-
li, cap. 10.
In forma.
Hebr. 12.

Turonense
Concilium
tempore
Caroli c. 33.

dix ab omnibus indisrupte teneatur: quia si inter nos fideles, vt in capitularibus domini Caroli legitur, pax & concordia habenda est, dicente Apostolo: *Pacem sequimini & sanctitatem, sine qua nemo videbit Deum:* multo magis inter episcopos & comites esse debet, qui post imperialis apicis dignitatem populum Dei regunt. Ita enim inter se concordare debent, vt alterutrum sibi ad Dei seruitium peragendum, & ministerium suum explendum, non solum non noceant, quin potius adminiculo sint. Comitibus quippe & iudicibus, reliquoque populo expedit, vt in Turonensi Concilio legimus temporibus præfati principis acto, vt suis sint episcopis consentientes & obedientes, propter Dei amorem, & semper ab eis vtile querant consilium, illorumque salubria non spernant monita, sed intenta cordis aure audiant. Similiter vero & episcopi prædictas personas similiter suscipiant, honificeque erga eas in omnibus agant, & sic sese mutuis studeant subleuare consolationibus.

XXV.

Cabilonen-
se Conci-
lium tem-
pore Caro-
li, 32. & 34.

De monasteriis clericorum, monachorum, atque puellarum, quæ clericis siue laicis beneficii iure donata sunt, placuit vt tales eis præficiant prouisores & præpositos, sicut in Cabilonensi Concilio scriptum est, qui & præesse nouerint & prodef se, & qui ad episcopum recurrent, & secundum eius ordinationem ad conuentum Synodi occurrant, & commissum sibi gregem canonice & cum magna religione custodiant, quasi rationem de animabus eorum reddituri.